



Broj: 02-01-16-15-25/19

Datum: 19.09.2019. godine

Na osnovu člana 17. stav (3) tačka 3. Zakona o unutrašnjim poslovima HNK („Službene novine HNK broj: 86/2/98, 94/01, 3/02, 1/03, 2/06, 5/08 i 6/08”), člana 69. stav (1) tačka b), člana 70. Stav (1), (4) i (6) i 111 stav (13) Zakona o javnim nabavkama („Službeni glasnik BiH“, broj 39/14) (u daljnjem tekstu: Zakon) i Rješenja ureda za razmatranje žalbi broj: JN2-03-07-1-2024-8/19 od 12.09.2019. godine), ministar unutrašnjih poslova Hercegovina-neretvanskog kantona **d o n o s i**

O D L U K U

o poništenju postupka javne nabavke alpinističke opreme u

u MUP-u HNK

I

Poništava se u cijelosti postupak javne nabavke za alpinističku opremu u otvorenom postupku koji je objavljen na Portalu javnih nabavki broj Obavijesti :1281-1-1-2-3-5/19 od 24.06.2019. godine i u "Službenom glasniku BiH" broj: 45/19, a na osnovu Rješenja Ureda za razmatranje žalbi BiH, Podružnica Mostar broj: JN2-03-07-1-2024-8/19 od 12.09.2019. godine, i to: Odluka o izboru najpovoljnijeg ponuđača broj: 02-01-16-15-25/19 od 31.07.2019. godine, Tenderska dokumentacija postupka i svi akti Ugovornog organa doneseni u predmetnom postupku nabavke.

II

Ova Odluka stupa na snagu danom donošenja i objavit će se na web stranici Ministarstva unutrašnjih poslova Hercegovina-neretvanskog kantona, u skladu sa članom 70. stav (6) Zakona, istovremeno sa upućivanjem iste svim ponuđačima koji su učestvovali u postupku javne nabavke u skladu sa članom 71. stav (2) Zakona.

O b r a z l o ž e n j e

Ugovorni organ MUP-a HNK je pokrenuo otvoreni postupak javne nabavke za alpinističku opremu Odlukom ministra broj: 02-01-16-355/19 od 25.03.2019.godine.

Procijenjena vrijednost javne nabavke iznosi: 30.769,23 KM (bez PDV-a).

Komisija za javnu nabavku alpinističke opreme (u daljnjem tekstu Komisija) je imenovana Odlukom ministra broj: 02-01-36-16-519/19 od 15.05.2019. godine

Obavijest o javnoj nabavci alpinističku opreme u MUP-u HNK/Ž broj:1281-1-1-2-3-5/19 od 24.06.2019. godine objavljena je na Portalu javnih nabavki, a sažetak obavijesti objavljen je u ("Službenom listu BiH"), broj:45/19 od 05.07.2019. godine.

Kriterij za dodjelu ugovora bio je „najniža cijena“ tehnički zadovoljavajuće ponude

Na Odluku o izboru najpovoljnijeg ponuđača za alpinističku opremu broj: 02-01-16-15-25/19 od 31.07.2019.godine, ponuđač „SHOT“ d.o.o. Zenica, izjavio je žalbu, koju je MUP HNK u skladu sa članom 100 stav (5) Zakona o javnim nabavkama BiH, prosljedio Uredu za razmatranje žalbi BiH, Podružnica Mostar, zajedno sa Izjašnjenjem na navode žalbe i dokumentacijom u vezi s predmetnim postupkom javne nabavke, na dalje postupanje.

Ured za razmatranje žalbi, Podružnica Mostar, rješavajući po žalbi žalitelja „SHOT“ d.o.o., donio je Rješenje broj: JN2-03-07-1-2024-8/19 od 12.09.2019.godine kojim je usvojio žalbu žalitelja, smatrajući navode žalitelja djelomično osnovanim, poništio Odluku o izboru i predmet vratio na ponovni postupak ugovornom organu, naložio mu da postupi u skladu sa stavovima koje je isti iznio u svom rješenju, te mu naložio donošenje nove Odluke u skladu sa Zakonom o javnim nabavkama.

Ured za razmatranje žalbi BiH našao je osnovanim žalbene navode žalitelja u dijelu koji se odnosi na tačku 12.1.a.) tenderske dokumentacije, smatrajući da izabrani ponuđač „ABC SPORTING“ D.O.O. Banja Luka nije dostavio Spisak izvršenih ili sličnih ugovora zahtijevanim tačkom 12.1.a.) tenderske dokumentacije , iz čega proizlazi da isti ne ispunjava uslove za tehničku i profesionalnu sposobnost.

Ponuda ponuđača "SHOT" d.o.o. Zenica, koje su ranije donesenom Odlukom o izboru okarakterisane kao neprihvatljive, jer ne ispunjava sve uslove tražene tenderskom dokumentacijom, odnosno ne ispunjava tražene zahtjeve u pogledu tehničkih specifikacija pojedinih uzoraka, te se iz tog razloga smatra neprihvatljivom za ugovorni organ u skladu sa članom 68.stav (4) tačka i) , iz kojeg razloga ovaj Organ donosi predmetnu Odluku o poništenju postupka javne nabavke alpinističke opreme u MUP-u HNK , te je na osnovu člana 69 stav (1) tačka b) i člana 111 stav (13) Zakona odlučeno kao u dispozitivu ove Odluke.

Pouka o pravnom lijeku:

Protiv Rješenja Ureda za razmatranje žalbi BiH može se podnijeti tužba u Upravnom sporu pred Sudom BiH u roku od 30 dana od dana prijema Rješenja.

